



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Ad Decretvm XXXV.

urn:nbn:de:hbz:466:1-14298

tione diei & loci, & subscriptione ipsius Confessarii propria manu & sigillo.

Ad DECRETVM XXXI.

Majorem requirimus à Parochis diligenteriam, præsertim quibus ante hac inspectionem vicinarum Parochiarum hæreticorum, ut de iis æquè ac propriis folliciti sint, & de conversis, communicantibus ac numero animarum Nobis rationem reddant, commissimus ac commendavimus. Quem in finem peracta Synodo præsentibus adhuc Parochis, distributio ante hac facta revidebitur, & ulterior commissio dabitur.

Ad DECRETVM XXXII.

Restant adhuc aliqua testamenta tempore belli condita, quæ necdum executioni demandata, nec rationes redditæ; ideoque monentur Executores ut sub pœnæ à jure, statutis Metropoliticis & Synodalibus nostris latis satisfaciant, vel saltem de absolutione aliunde licite obtentâ intra mensis spatum coram Nobis vel officiali Nostro canonice doceant, in posterum vero annus executionis accurate sub iisdem pœnæ obseretur.

Ad DECRETVM XXXIII.

Monemus omnes Beneficiatos ut in conservandis aut recuperandis bonis suis non tam sint negligentes aut pusillanimes, ut si quid à Laicis patientur, contradictioni statim animum abjiciant.

Ad DECRETVM XXXIV.

Magna quoque in hoc deprehenditur negligentia, cum vix ullæ copiæ fundationum ad consistorium Nostrum missæ fuerint. Quare mandamus sub pena viginti aureorum omnibus & singulis, ut ab hac die usque ad aliam Synodus fundationes originales (si vero haberi non possint) vidimatas Nobis copias exhibeant, ac tradant. Curandum etiam ut immunitates tam locales, quam reales & personales Cleri serventur, ideoque laicæ personæ, ac præcipue cives non tam facile ad immunitates admittendi sunt, ne cum illis immunitas patiatur.

Ad DECRETVM XXXV.

Tria hic continentur, ut juste, sobrie ac piè vivatis, juxta doctrinam S. Pauli ad Titum 2. Iustitia enim exigit ut in fortē Domini vocati ac electi, & qui de redditibus Ecclesiasticis, patrimonioque Christi, & ab omni levitate seculari abstracti vivunt, à reliquo populo distincti habitu & moribus se tales esse ostendant, ne in eos jure dici possit: Amice quomodo huc intrasti non habens Ve-

stem nuptialem? & ad hoc ipsum sollicitudinis Nostræ obtutum merito dirigimus; sacris canonibus obligati, justitiâ vinclati, exemplo aliarum Diœcetiarum reformatarum excitati, & in hac etiam Nostra non solum Prædecefforum in hoc, pietate inducti, verum etiam Nostro sub regimine anno 1628 & sequentibus obedientia vestra recreati. Sed quos jam videamus inter vos? Dolemus conspicere inter vos barbis incultis luridos, capillatio deformes, habitu vel nihil vel parum à Laicis discrepantes, nulla etiam tonlura insignitos. Sulpiciamus juvenes quosdam vanitati ac novitati vestrum, & capillorum longitudini ac compitioni studentes, circinulos agere, nec à Prælatis, quorum tamen curæ est, corripi vel corrigi, nobisque occasionem præbere, ut Nos ipsi Nostrum officium in admonendo corrigen- dove tandem facere debeamus: Quare noveritis si quis in posterum in habitu clericali decenti & tonsura non inveniatur; privilegii Cleri, forique ac præminentius minimè fit gavifurus, nec apud Nos, quicumque sit, & alios ut Ecclesiasticus habendus, sed inter Laicos numerandus, tanquam Clero imponens, adhibitis etiam pœnæ: Nolumus enim ut cum religionis dedecore, status Ecclesiastici despectu, Dei contemptu & propriæ salutis dispendio, de cætero abutantur: non obstante quavis prava confuetudine, hoc tempore belli introducta, dum inimicus homo zizania superseminalavit, aut aliorum locorum abusu & corruptela, quæ jura canonica abolere non potest, aut censuras pœnasque infringere. Cogitate quoq[ue] heterodoxæ fidei æmulatorum in hoc majorem observantiam, & apud suos reverentiam: unde volumus ut ad ipsorum distinctionem de cætero nemo breviori utatur tunica, quam ultra genua duos saltem digitos promanante, atque circa lumbos pro antiquo more cingulo ligata, ni pœnæ subjacere velit.

Ad sobrietatem quod attinet, si quis in pœnis deprehendatur, aut commissationibus ac computationibus nimium indulget; cum per hoc Cleri respectus lœdatur, domus Dei & animarum cura negligatur, indignationem Nostram & seriam animadversionem se non evasurum, sentier: Tabaci usum præter necessitatem sanitatis, etiam ante hac vetuimus, præsertim quacunque ex causa ante sacrificium Missæ, vel sacram communionem. Ad Nos etiam perlatum est talēm usum fieri vel ab Ecclesiasticis, vel à Custodibus ministris, in ipsis nonnunquam Ecclesiis vel Sacrariis: tales sciant id ratione loci ac temporis omnibus etiam Laicis ab Urbano VIII, sub pena excommunicationis prohibitum. Ecclesiasticos, qui eo opus habent, nolumus ut cum Laicis vel inter se, per fistulas computando, & ad mensuras æquales provocando, sed in suis cubiculis

biculis privatum moderatè utantur, alias se penis irremissibiliter subjiciendos sciant.

Pietatem vobis commendari debere dolemus, præsertim quibusdam horarum Canonicularum recitationem: cum hoc fundamentum sit vocationis Vestrae, vitæ vestrae, imo salutis vestrae.

Ad DECRETVM XXXVI.

Pvdet nonnunquam intrare Ecclesiæ tam fordidas, quam vix illa domus: dolemus etiam tabernaculum ubi Sanctissimum Sacramentum asservatur, in multis Ecclesiæ non clausum repertum fuisse; quod revera parvam in Deum pietatem ac reverentiam demonstrat; sicuti etiam quod nonnemo idem Sanctissimum Sacramentum in corporali asservet, vel ad ægrotos ita deferat, cum tamen pixide parva argentea includi debeat. Et quid mirum si minor cura fontis baptismalis, qui semper clausus esse debet, Sacrificiæ, & totius supellectilis Ecclesiastice appareat. Pudeat vos de talibus toties debere moneri. Vnde si tandem in transitu aut alias inopinatæ fordes hujusmodi à Nostris reprehendantur, caveat fibi quisque à noxa. Idem dicimus de cœmertiis, quæ ut à bestiis immunia sint, debite claudantur.

Ad DECRETVM XXXVII.

VNICUM restituendæ & conservandæ religionis medium est, recta juventutis in pietate & moribus instrucción, & nihil ferè quod magis amorem Parochis conciliat, quare in eo ante omnia omnem operam colloquent, ut si ipsi, exemplo multorum piorum ac Zelosorum Pastorum, ipsi pro vita etiam otio juventutem instruere velint, ubiq; Scholæ instituantur, nobisque media suggerant implorato etiam brachio sæculari; quia nemo tam crudelis erit in suos, sive in fibi commissos, ut eos non capiat pie & Christianè educari.

Ad DECRETVM XXXVIII
& XXXIX.

REGLARES quantò magis perfectionem profitentur, tanto cautius ambulent, præcipue cum ad Laicos divertunt, & ii maxime qui ad eleemosynas conquirendas emittuntur,

& se à socio nonnunquam dies integros notwithstanding separant, ut tunc eò magis Euangeliæ perfectionis signa ostendant, & bonum conversationis suæ odorem post se relinquant, cum nil magis Laicorum animos offendat, quam dum eos quos Magistros vitæ & morum venerantur, exempla de se pravitatis relinquere vident. Quare superiores singulorum Conventuum hujus Nostræ Diocesis ferrid monemus, imo, ut in similibus, Sedis Apostolicae delegatis, in virtute Sanctæ obedientiae mandamus, ut suis hæc serio inculcent, ne nos in tales delinquentes severius quid statuere cogamur. Similiter etiam petimus, ut superiores vicinorum conventuum extra diocesim Ordinis sui, imo & ipsos Provinciales moneant, ne pro colligendis eleemosynis suos ad hanc diocesim mittant, nisi quibus antiquitus per Prædecessores Nostros & Nos indultum dignoscetur; & tales eligantur, qui se Religiulos ubique verbo & exemplo præstent; nisi aliter vagantes nostram indignationem, meritasque penas experiri ve- lint.

Quæ vero bullæ Gregerii XV, & Innocentii X, hic memorantur, ad longum typis dari huius Synodo ad finem inferi faciemus.

Bullas has invenies sub literis F & G.

Ad DECRETVM XL.

HOC decretum tanto accuratius obser- vandum, quanto periculosius inter Hæreticos, qui semper libertati Ecclesiastice insidiantur, in hac diocesi habitamus. Catholici insuper noverint, se in excommunicacionem Bullæ Cœnæ Domini incidere, si immunitatem hanc Ecclesiasticam violent.

Praeterea hucusque decretorum lectione, & latiori corundem explanatione ab Illusterrima S. C. inserita, Secretarius Synodi descendit ex suggestu, & cum instaret hora duodecima interrogavit Illusterrimum num placat indici finem hujus Sessionis secunde? Respondit Illusterrimus, placet, indicatur tertia Sesio habenda post prandium horâ secundâ.

Secretarius deinde suggestum ascendit, indixit finem hujus Sessionis, & teriam ac ultimam ad horam secundam pomeridianam futuram. Post hec Promotores Synodi institerunt contra contumaces, reliquaque ut in prima Sessione praetexta fuerunt, nec non totus Clerus denuo ad mensam Illusterrime S. C., ut pridie invitatus fuit.